

Татьяна Борчина:


«Викшнемась – те алкуксонь «орма»

Маряви, арась истямо тев, конань а машты тееме те авась. Мезес а кунды – весе кедьсэнзэ лаказы лаки. Сон сты, викшни, коды. Тонавты тенень вишка тонавтницятнень, сонськак невтни важдевксэнзэ эрва кодамо пелькстамоса ды вы- ставкасо. Викшневоксэнзэ лия ёнов а молицят – эйсэст атякш марто нардамот, конатнень пек вечксызь Дубёнкань районсо. Несыть истятнень покш чистэ ды сеске чарько- дят, костонь сонзэ викшнициясь. Ванат нардамотнень лангс ды, маряви, атякштне нейке моразевить эли тюрезевить. Кода сынст вик- шнемс, кода чачи истямо мазычись? Теде миненек ёвтнесь Дубёнкань районнь Поводелень викшнициясь Татьяна БОРЧИНА.

мон курокке сайса носканть, кода эсень ладсо. Бабам сови, аламодо но сёвноса- мам, витнесы мекев. Ялате- ке шка а кадылинь бабанень. Весть сон венстась тень кав- то спицат ды суре. Мерян: «Кода карман кодамо, бути тон монень а невтьсак?» Невтизе. Истя пединь кода- монть. Школосо тонавты- цятнеяк макссть содамоचितь кодамо тевсэнть. Мейле ван-

дояк а кадови. Эрсесь, вал- скес викшнилинь. Сельмень кепедьсынъ – ушосонть уш валдо! Декретсэ улемстэяк викшнинь. Телевизор а ван- кшнан, а чарькодян, кода ломантне озыть ды ванить?! Те шань стяко ёмавтнемка!

Минь весе вечктяно кедьсэ-сурсо важдеме: ба- бам, авам, патян маштыть викшнеме, стамо, кодамо. Авань двоуродной сазорон- зо эрив Отяжбуесэ. Сынгак эрва мезть викшнить. Пей- дезь яла кортыть: «Викшне- мась – те алкуксонь «орма». Ды мон пран марто ст ве- мельс. Апак викшне ды апак кода а аштеван, тарка-эзем а муян. Кудоятконь тевень те- евить – сеске кундан. Кеняр- ксчистэ ломантне оймсить,



вицят. Сыретненень – чопода-якстере эли сэнъ тусонь. Нарда- мотнень викшни крочко- ко, салмуко. Весе суретнень сон рамси, ней мезе ансяк а мик- шнить.

Татьяна Алек- сандровна – «Шумбрат, Мордовия!» раськенъ творчестванъ респу- бликанъ фестивалень эрва иень пельксты- ця. 2017 иестэ сон лиссь изнициясо «Ма- стер года» номинация- со. Ды аволь ансяк те фестивалесэнть эрси,

зйсэнзэ свал эрва ков тердтнить. Авась мельспа- росо яки эрва кува, ков тердтить. Ломантне зярдояк а ютыть сонзэ вакса. Лоткить, ванить викшневоксэнзэ, див- сить, кевкстнить. Сон ёвтни тенст весе койтнеде. Минь- гак нардамотнень ванкшно- сто ламо дивсинек. Зяро шка, виить ды мель эрви сынст викшнемстэ! Сонзэ туртов те – паро оймсема, лезэвстэ ютавтозь шка.

Те авась – алкуксонь эр- зянъ ава: эрва, эрва ков ке- нериця, эрва мезень тееме маштыця. Тенень тонавты тейтернензьяк. Соня яки колмоце классос. Уш нейке редяви, ули эйсэнзэ творче- ской сяткинесь – вечки арто- мо, викшнеме. Весть тензэ невтьсак – сеске чарькодъ- сы, кода эрви теэмс. Ды весе сынст семияст истямо. Борчинтэ зярдояк а аштить тевтеме. Татьянанъ кирдезэ важди «Магма ХД» ООО- со. Цёразо ды урвазо эрив Москов ало. Ансяк кенери соламо ловось – Татьяна Александровна малавиксэн- зэ марто лисить пирев. Вик- шнемадо башка, авась пек вечки цецят. Сынъ касыть кудосояк, пиресэяк ды, нама, нардамотнесэяк. Кецятыть мазычсэст весе ломант- нень.

Татьяна МАТОРКИНА

Татьяна Алек- сандровна чачь Дубён- кань районнь Антонов- ка велинесэ. Семияст покшоль: вейсэ эрваст тетязо-авазо, покшязо- бабазо ды колмо сазор- кат. Покшязо, Фёдор Дмитриевич Волгушев, ульнесь Ине Отече- ственной войнанъ участ- никекс. Сон пингензэ перть важдось школосо тонавтыцякс, ветясь история. Кулось 76 иесэ. Паряк, седе кувать эр- воль, ансяк войнасо ранязель, контузязель, секс кувать эзь эря.

Антоновкасо Татъя- на прыдызе вейксэце классонть, седе тов 10-11-це класстнэсэ то- навтнеманть поладызе Поводелень средней школосо. Мейле мольсь тонавтнем Н.П. Огарёв лемсэ МГУ-нь филоло- гиянь факультэзэ. Тонав- тнемстэ лиссь мирденень, чачь эйкакшкест, вузонть прыдызе заочна.

– Специальностень ко- ряс мон ве чыяк эзинь важдо- ды а янксян. Малав комсь иеть роботан Эйкакшонъ творчестванъ центресо (По- воделень школанть юрсо), – ёвтни Татьяна Борчина. – Эйкакш марто важдемась – алкуксонь кеняркс. Минь марто мезе ансяк а тей- нетяно: налкшеть салов ча- пакссто, пластилинстэ. Ули технической моделирования – тосо вишкинетнень мар- то конёвсто ды картонсто мезтькак тейнетяно. Тонав- тан нардамонъ викшнемеяк. Мезе меревлинъ, те тевсэнть эрви ламо котьмамс, путомс виить, цидярдомачи. Неень шань эйкакштнень стака кармавтомс мезеньгак тееме (тенесь шумот Интернетэсь, телефонтэ). Ялатеке ули мелем ледстямс тонавтни- цян. Саемга, Катя Ерма- лаева вадрясто викшнесь, парсте тевезь мольсь. Настя



Колесникова ней тонавтни- 11-це классо. Васня, кода весе эйкакштне, тенень эзь бажа, мейле мелезэнзэ тусь. Сон викшни, коды, эрва мезть тейни. Невтни теевксэнзэ эрва кодат пелькста- мотнесэ. Якинек Ицялов «Параскева-рукодельница» декоративно-прикладной творчестванъ регионъю- конь конкурсов. Эрзянь па- лясо кодазь няканть кисэ сон сайсь омбоце тарка. Диана Ломшина викшнесь нарда- мо, колмоце тарка сайсь. Мелят пандемиянтъ кувалма пелькстамось эзь ютавтово. Тедеде карми, анокстынек кавто важдевекст.

– Татьяна Алек- сандровна, кода тынсь карми- де викшнеме?

– Те весе чачь мартон. Минек раськесэ весе ават- не кедьчелькевть. Ветешка иень ульнесь, ванан, бабам коды ды коды. Мон перькан- зо чаран: «Бабай, макст мо- нень кодамс». Прок а марияк эйсэнъ эли мери каршон: «Тон тапасак суренть!» Ба- бам ансяк туй тевень тееме,

са, авам викшни нардамот. Сонсь эрзакали, тевензэ ламо: робота, кудоятконъ тевть-валт, колмо эйкакшт. Редя, викшнемазо аламо- до аволь виде, уголдо уголс ашти. Истя бажинъ витнемс сонзэ мельга! Авам ансяк лиссь кудосто, эзинь кирде- ве, самнь плянзо (пьялцат). Истя тенъ вечкевсь – весе цецянть викшния. Авам со- вась ды неизе: «Вай, лез- дыть монень!» А мон прят а максан, мерян, эзинь. Савсь ёвтамс: «Ну, неят, тондетъ вадрясто-валанясто лиссь? Мекс а максат монень вик- шнемс?» Вана истя ульнесь эрямосон. Тонавтомс кияк эзь тонавто, эзь невте тенъ. Мейле ульнесь истямо шка – викшния крестиксэ, лен- тасо, ковровой техникасо, лентасто бантт тейнинь. Ко- дынь носкат, цецят, фруктат- ягодат. Седе тов лоткинъ нардамотнес. Ней вана ко- дян кодзян, носкат, след- кат, прихваткат, салфеткат. Эйсэст явшан, казян мала- викштнень туртов. Те тевесь тенъ оймень коряс, сон зяр-

яксить инъекс, монень те а эрви. Од иень кувака ойм- сема читнестэ весе малавик- сэнъ туртов кодынъ казнетъ. Православной покш читне- стэ, нама, уш а важдоян.

– Татьяна Алек- сандровна, ёвтнеде тенек атякше марто нардамот- неде. Кодамо смусть сынъ кандыть?

– Нетъ нардамотне седе сеедьстэ эрвякшнить свадь- бас. Сынъ ванстыть ломант- нень. Нардамотне эрвявить одирьванть, кудаванть, покш куданть, кудазорон- тень (атявтонть). Вейкест- вейкест эйстэ сынъ аламодо явовить артовксонь, тусонь коряс. Одирьванъ нарда- монть куншкава юты про- ша (кружова), сон прок яви нардамонть кавтов. Кода ёвтнильть седикелень вик- шницятне, нардамонъ алк- сось – одирьванть эрямозо мирденень лисемадо икеле. Верьксэсь – одирьванть эр- ямозо венчамодо мейле. Тесэ тустнэ мазыить, сельмс каявицят. Вере аштить кавто атякшт. Кода содатадо, те

нармунесь панси апаро- витьтнень. Атякштнень ютксо викшневи пиже ма- зый цеця – эрямонъ чув- то. Атякштнень пильгест эрвявить теэмс эчкестэ. Тейк канды смусть – се- миясь кеместэ аштевель моданть лангсо.

– Нейкак атякш мар- то нардамотне эрвя- кшнить свадьбасо?

– Нама. Дубёнкань рай- онсо те коесь зярс эри. Монень яла пшкалить вик- шнемс свадьбав нардамот. Нардамось панжи одирь- ванть ки. Сонзэ а меревни каямс се шкас, зярс а соват мирдентъ кудос. Нардамось каяви одирьванть кирьгава- мештева ды сюлмави яксте- ре бантсо. Истя жо каяви ку- даванть кирьгава, ансяк апак сюлма. Покш куданть ды кудазоронть нардамонть сюлмасызь перькаст. Эштё вейке нардамо каить паза- ванть ланга. Весемезэ вете нардамот эрвявить. Ледстнян, икеле свадьбатнес кото нардамот эрвявть, свадьба- до икеле кокшнестэнтэ од цёранть панар марто ку- чильть нардамо. Монь цёрам урвакстэ – одирьвась уль- несь нардамо марто, весе коень коряс ютавтынек.

Т. А. Борчинанъ валонзо коряс, вешить викшнемс нар- дамот калмамоненьгак. Тесэ жо эрвявить кочкамс лия туст, аволь валдот ды сельмс кая-